

լուել է, և ինչպէս միայն մէկ բացատրութիւն կայ
և այն է, որ հովանաւորութենից չը զրկվի
Բայց որովհետեւ Գ. Ս. և զրա նմանները
կը հարցնեն ինչ ծիծաղաշարժ բան կայ այդ
տեղ, կասեմ. ծիծաղաշարժ բան է, որ երբ ազ-
գը հայ չունի ուտելու, դուք ուզում էք հասա-
րակական փողերով Վասպարեան անկեանցի
պատերը զարդարել:

Այժմ ինչպէս չը կայացաւ մայիսի 3-ին ընդ-
հանուր ժողով. Գ. Ս. և նրա նմանները
կը գրաւեն «հասարակութեան անտարբերու-
թիւնն է պատճառը». ոչ, պատուելի ըն-
թերցող, այստեղ մի բանի պատճառներ կան, և
զրանց մէջ հետաքրքրելի և խոտեղեցուցիչ (ин-
тересный), որոնց մասին ես կը խօսեմ հարկա-
ւոր ժամանակը:

Յետոյ. Գ. Ս. ասում է, ես այնքան անբարե-
խիղճ եմ, որ չը հաղորդեցի թէ պ. պ. Յ. Անտ-
նեանցը և Գ. Ղաւնդեանցը պատկի ծախքը ի-
րանց վրա աւելն և հետեալաբար նոյն ժողովում
հանգանակվեցաւ մօտ 400 թուրքի: Ես այդպիսի
մի տեղեկութիւն չը հաղորդեցի, որովհետեւ ես
այնքան անամօթ չեմ, չեմ ասում, անբարեխիղճ,
որ Գ. Ս. ի նման ամբողջ հասարակութեան առ-
ջն փառաբեր, նրանց մտովիները, նրանց պատ-
ճառները ունեւորի անեմ:—Ես իմ նամակս գրե-
լիս լաւ համարեցի լուել, քան սուտ խօսել: Իսկ
այժմ հարկադրված Գ. Ս.-ից (медвежья услуга
Գ. Ս.-ի կողմից) կասեմ, որ պ. պ. Անտնեանցը
և Ղաւնդեանցը իրանց վրա առան պատկի ծախ-
քը ոչ թէ որ և ինչ բարեգործական կամ հերո-
սական (гражданский героизм) զգացմունքից
զրկված, ինչպէս ներկայացնում է Գ. Ս. այլ
հարկադրված էին իրանց վրա առնել և այլու-
պէս հնար չունէին. ինչո՞վ էին հարկադրված, կա-
սեմ, երբ Գ. Ս. կը յանդիման պնդել հակառա-
կը. Բայց ինչն էր զրգել Գ. Ս.-ին այդ գործին
այդպիսի մի անձնատուրական նշանակութիւն
տալ. թող ընթերցողը պատասխանէ:

Ես հարկաւոր չեմ համարում խօսք մինչև ան-
գամ սակ նամակի այն մասի համար, ուր ազ-
նիւ պարտնը դնում է իմ նամակի բովանդա-
կութիւնը. իսկ ինչ կը վերաբերի Գ. ա. ք. Սու-
րէնեանցի ժողովրդականութեանը, դա ապագան
ցոյց կը տալ, առ այժմ ընթերցողը թող դիմէ
Մօսկվայի Գ. ա. ք. Սուրէնեանցի «Հարիւրա-
մեակի» հետեւել էջերին. 38 և 76:

Այժմ մի քանի խօսք «Մշակի» 67 №-ի նա-
մակի ազգեցութեան մասին Մօսկվայի հասարա-
կութեան վրա: Մի քանի տեղից լսել եմ այս-
պիսի մի դատողութիւն, թէ նամակը հասարա-
կութեան տրամադրութեանը շատ համապատաս-
խան է, շատերը բաւական են այն նամակովը,
«Իսկ նամակի առարկաները» գործիչները, ո-
րոնց չըթնենքերը դեռ Գ. Ս.-ի քոսած մեղքը
վաշկում են, մտադիր են արգելել ուսանողնե-
րին ընդհանուր ժողովներին ներկայ լինելու:
Իրաւարանական տեսակէտից կարելի է իրա-
ւունք ունեն այդ անկող, իսկ մարդկային և
ազգային տեսակէտերից իրաւունք չունեն և
եթէ անեն, սաստիկ կը սխալվեն: Երբ ուսանա-
ղութիւնը աշխատում է մօտենալ հասարակու-
թեանը, նրա հետ ծանօթանալու, կենսի փոր-
ձերով հարստանալու, նոյն իսկ հասարակու-
թեան ներկայացուցիչները կամ ազգային գոր-
ծիչները հեռանում են նրանից, հեռացնում են
իրանցից և դրանով զրկում են կենսի հոսանքը
հասարակութեան և երիտասարդութեան անշուշտ
հարկաւոր և բնական փոխադարձ ազդեցութիւն-
ներից: Այդ ընդհանուր ժողովները «ուսանողու-
թեան համար կարող են և պէտք է լինեն հա-
սարակական ուսումնարան, ուր կարելի լինի
հասարակական կրթութիւն ստանալ և հասա-
րակութեան զգացմունքները զարգացնել (Общес-
твенное воспитание и чувства обществен-
ности): Ուսուցչական խոտովութեանց բազմա-
կողմանի պատճառներից մէկն, ինչպէս շատ ան-
գամ ուսուցչական խոտովութեան լրացմանը խօսել
են, այն է, որ ուսուցչական երիտասարդութեան և հա-
սարակութեան մէջ կապեր չը կան: Յանկալի է,
որ մեր գործիչները չը մտաւորաւ այս ճշմար-
տութիւնը:

Եւ այդ մտադրութեան մէջ կարելի է տեսնել
նոր ազգացոյց (և այդպիսի ազգացոյցներ շատ
կան), որ հայերը չեն սովորել հասկանալ ինչ
բան է կրթութիւնը. եթէ մէկի սխալը ցոյց ես
տալի, նա իսկոյն դառնում է քո ոխերիմ թշ-
նամբն. նա չէ ուզում հասկանալ քո ասածը. իր

կարծիքը պաշտպանելու տեղ, եթէ համոզված
է դրանում, նա յարձակվում է քո անձնաւոր-
ութեանը վրա և աշխատում է ցեխել, մրտա-
հիշում ես ընթերցող, ինչ արաւ Սենեքերիմ
Արծրունին երբ որ նրան նկատեցին, թէ Համ-
լետը լաւ չէ թարգմանել, և որ մէկը ասեմ
Այս երևոյթը ապացուցանում է միայն այն, որ
մեր այդպիսի հասարակութեան, «ազգային գոր-
ծիչները» ծառայում են ոչ թէ ազգի, հասարա-
կութեան օգտին, այլ միայն այն նպատակին,
որ նրանց փառաբանեն, խոնկ ծխեն Ափսոս:
Ն. Տ. Գ.

ՆԱՄԱԿ ՓՈԹԻՒՅ

Յունիս 17

Հոգեւոր իշխանութեան կարգադրութեամբ զը-
նացի այցելութեան Արիստիդի երկրում բնակ-
վող հայերին, որոնք գաղթել են Տաճկաստանից
անցնել տարի Այդ բնակութեան տեղերի ա-
նուններն են Արշալար Միջերա, և Վառդգի, Հա-
յեյն իրանց կողմից անուանել են «Միջին Հա-
յաստան», ունեն մի քանիս, իսկ իրանք պա-
րագում են երկրադրութեանը և շատ աղքատ
վիճակի մէջ են: Սոցա ինձ ուղղած նամակը
ուղարկում եմ խմբագրութեանը տնօրէնութեա-
նը:

Բացի սրանցից թիւրքերից նոր գաղթած
200 ընտանիք 2 քանաւայով, գտնվում են Սու-
խումում բաց օդի մէջ և դարձեալ շարունակվում
է գաղթականութիւնը: Տեղական հայերը բա-
ւական օգնում են սրանց, հիւանդներին և ծնուն-
դականներին իրանց տներում տեղ տալով և
հոգ տանելով: Զարմանալի է, որ Կ. Պոլսի Ազ-
գային ժողովը թոյլ է տալիս այս գաղթակա-
նութեանը, որը մեր ազգի նպատակին սարսա-
փելի հարուստ պէտք է առայ:

Այս վերջինների մասին ներկայացայ Սուխու-
մի նահանգապետին և խնդրեցի ուսուցչական
կարգութեան ողորմած տնօրէնութիւնը: Պ. Նա-
հանգապետը ասաց «արդէն կարգադրութիւն
եղած է կառավարութեանը տեղ տալ զրանց
առանց դրամական օժանդակութեան, իսկ դուք
հարուստ հայեր շատ ունեք թիւրքերում, թող
օգնեն նրանք»:

Այս ողորմելի ժողովրդեան օգնելու մասին,
մեծ յոյս կայ ազգասէր պ. Կարապետ Պօպովի
վրա:

Գէորգ քահ. Գնունի

ՆԱՄԱԿ ԱԼԷՔՍԱՆԴՐՈՎԻՅ

Յունիս 17-ին

Նորերումս երևացող գիտաւոր աստղը առիթ
է դարձել անտիպապաշտ ամբողջի այլ և այլ
գուշակութիւններին: Մինը կարծում է, որ կը-
ռիւ կը լինի անպատճառ և այն էլ մեծ, արեւա-
հեղ կռիւ: Ուրիշները ասում են, որ «մահ տա-
րածամ» կը լինի, կամ «մահ անսանց»:
«Ստատիկեցին եղինս բազում» — ասել է Լ. Բի-
մբրին, — հաստատում են նրանք: Իսկ ոմանք
նախադրեալում են որ՝ այդ գիտաւոր աստղը
«Հայաստանի աստղն է»:

Յունիսի 15-ին յանձնվեցաւ քաղաքային պ.
պ. զէպուտատներին հասարակութեան կողմից
մի խնդրագիր կանոնադրութեան հետ միասին,
քաղաքում մի «մատենադարան»—ընթերցարան
բանալու համար թղթուղթիւն խնդրելու կա-
ռավարութիւնից, որը ընդունվեցաւ նրանց կող-
մից մի հաճելի պատրաստակարարութեամբ: Մենք
երբէք չենք կասկածում որ՝ ինչպէս պ. պ.
զէպուտատները, նոյնպէս և թաղապետական
ժողովը զգալով մեր քաղաքում «մատենադա-
րան» ունենալու կարեւորութիւնը, կը յարգէ
անշուշտ հասարակութեան խնդիրը և կառնէ
պարտագրաւորաբար տնօրէնութիւն: Այլ քանիդու-
րով ցանկանում է ունենալ այն, ինչ որ ունեն
շատ գաւառական քաղաքներ շատ վաղուց:

Յանդիմանութեան արժանի էր դարձեալ մի
սրտաբեր երեւոյթ, որ շատ անտարբեր — բթա-
միտներ, որոնք համար երբէք չէ եղել և չը կայ
ոչինչ հասարակական, այնպիսի անձուհի պատ-
ճառաբանութիւններով հրաժարվում էին ստո-
րագրել «մատենադարանի» խնդրագրերին, որ
կարծես դրանց կամենում են կողոպտել, կամ
թէ չէ, ստորագրելիս թուր իսկոյն կը գցէին
զրանց շրջաքը և քաղ կը տային դէպի սպանդա-
րան: Մեղանում հասարակութեան միջին և

ստորին դասակարգները, եթէ ոչ եռանդով, գոնէ
համակրութեամբ են վերաբերվում առհասարակ
դէպի այս կամ այն ընդհանրական օգտաւէտ
հիմնարկութիւնը և ոչ որպէս մեր ներկայաշու-
թեամբները: Թէ որքան անհրաժեշտ է և օգտա-
ւէտ մատենադարան ունենալ մեր քաղաքի
փոքր ի շատէ զարգացած հասարակութեան հա-
մար, այստեղ բացատրելը շատ հեռուն կը տա-
նէր մեզ: Գա կարօտ է մի մանրամասն և զօրեղ
գրութեամբ, Այս միայն պարտաւոր եմ համարում
յայտնել, որ շատ շատերը սրտատուրի սպասում
են նրա բացմանը: Ինչո՞ք... դեռ չը գիտեն,
որ շատ անգամ ամենաաղքատ մտադրութիւններն
էլ հանդիպում են զգլխի արգելքների և անողոր
ընդդիմադրութիւնների...:

Տ.

ՆԱՄԱԿ ԽՄԵՐԱԳՐԻՆ

Թիֆլիս, 25 յունիս

Թիֆլիսէն մեկնելուց երկու օր առաջ պարտք
եմ համարում իմ հնորակալութիւնս յայտնել
ձեզ հրապարակաւ իմ հրաժարական ներկայաց-
մանը ձեր թատրոնը ինձ անվարձ տալու համար,
քանի որ քաղաքային թատրոնը փողով վարձեն
անգամ ինձ արգելեցին: Նոյնպէս յայտնում եմ
իմ հնորակալութեան տ. տ. վրաց գերասանուհի
Վարդուհային, սիրողներ փաշայեան-Տէր-Վրիգո-
րեանցին, փառանձնամբ, և պ. պ. Չմէկեանին,
Չիժեանին, Տէր-Վրիգորեանցին, Սաֆրազեանցին,
Միրազեանին, Պարոն-Սարգսեանցին, Մկրտիչ Տէր-
Սիմոնեանցին, Կոստանդին Արդութեանցին, ո-
րոնք ազնուարար իմ ներկայացման մասնակցեցին
առանց մի որ և է ակնկալութեան, քանի որ
Թիֆլիսի հայ գերասանական խումբը չը կար-
գացաւ անել այդ Այս առիթով քաղաք պարտք
եմ համարում իմ հնորակալութիւնս յայտնել
Թիֆլիսի հասարակութեանը ինձ ցոյց տուած
անշափ համակրանայ համար, թէ ներկայացման
սկզբում, թէ ներկայացումից յետոյ, Այդպիսի
ընդունելութիւն, այդպիսի անկեղծ համակրու-
թիւն, ես երբէք չեմ տեսել: Ես խօսք չեմ գրա-
նում իմ զգացմունքներս յայտնելու, այնչափ
ես երախտապարտ եմ Թիֆլիսի հասարակու-
թեանը: Հրապարակաւ իմ հնորակալութիւնս և
մնաս բարեւոյս ասելով սիրելի և յարգելի հասա-
րակութեանը, մի և նոյն ժամանակ հնորակալ
եմ այն ամեն ծանօթ և անծանօթ ազնիւ պա-
րոններին, որոնք նամակներով ինձ իրանց հա-
մակրանքն են յայտնել:

Աստղիկ

ՆԵՐՔԻՆ ԼՈՒՐԵՐ

ՇՈՒԼԻՔԻՆԻՅ մեզ գրում են «Յունիսի 20-ին
մի անյայտ անձնաւորութիւն սպանել է պ. Վա-
լուստ Գովհաննիսեանցին, առիթ բռնելով թէ
վերոյիշեալ պարտնը սաստիկ կերպով հարուս-
տ է իր շանը: Ապաւովածը արդէն թաղված է,
իսկ չարագործը անհետացել է»:

Հնորակալութեամբ ստացանք «Մարգու բա-
րոյական զարգացում» գրքից, Վ. Մօղեստովի
յօդուածից թարգմանել են Լ. Իւզրաւեանց և
Գ. Մարտիրոսեանց: Թիֆլիս, Մ. Ռոտինեանցի և
ընկ. տպարան, 1881 թ.:

Հնորակալութեամբ ստացանք Բագուից «Սո-
խակ Հայաստանի» վերնագրով երգերի հաւաքա-
ծուն, որ հրատարակել է պ. Ա. Գրիգորեանց:
Գա առաջին հատորի փոփոխած երկրորդ տպա-
գրութիւնն է: Երգերի ընտրութիւնը լաւ է: Գըր-
քի տիպը մտքոր է և տեսքը գեղեցիկ: Բագու
Ս. Տէր-Գովհաննիսեանցի տպարան 1881 թ.ին:

Մեզ գրում են Մեթ-ՎԱՐՔԻՆԻՅ հետեւեա-
լը: «Օր չէ անցնում, որ մեր անտառաւորու-
թեան մէջ չը կրկնվեն բազմատեսակ անիրաւու-
թիւններ: Վերջերս էլ մի գիւղացի մարդ իր
սայլը քշելու ժամանակ, անտառապետի օգնա-
կան հրամանով ստիպված է լինում, լաւ թակ-
վելուց յետոյ, յետ տալ իր սայլի անիւները,
որ օգնականին նոր շինված երեւանս Այսպիսով
խեղճ ճանապարհի մէջ տեղ բանախափան է լի-
նում: Օգնականից պակաս դեր չեն խաղում պո-
ւետովիչները»:

Մեծ-Վարաբիլիսից մեզ գրում են որ այդտեղի

երիտասարդները սաստիկ վարակված են թղթա-
խաղի ախտով: Ամբողջ օրերը անցնում են այդ
խմար պարագամունքի մէջ: Զարմանալի է որ հա-
յերը, որոնք հոչակված են խելօք ժողովուրդ,
ամբողջ օրերը անցնում են թղթախաղի մէջ: Եւ
ինչ կարող է աւելի յիմար, աւելի աննպատակ
լինել քան թէ թղթախաղը:

Այնքան շատ ենք ստանում ամեն կողմից նա-
մակներ, որոնց մէջ յայտնում են ցանկութիւն
զրկել Վիւրթիէի հայոց օրգանին, որ մենք այլ
ես չենք կարող տպագրել բոլորի ազգանունները:

ՁԱԼԱԼ-ՕԳԼՈՒՅ մեզ հաղորդում են որ այդ-
տեղի զարոյցների վարչութիւնը մտադիր է այս
տարի տղայոց զարոյցում 3-օրը դասաւորն ես
բանալ: Թղթակիցը զարմանում է այդ դիտաւո-
րութեան մասին, հաստատ գիտնալով որ
զարոյցի երկրորդ քանձարկում, որ զըն-
ված է եղել 150 թուրքով, ամենին փող չը կայ:

ՕՐԳՈՒՅԱԼԻՅ մեզ գրում են: «Բագուի հայ
հասարակութիւնը ընտրել է իր սուրբ Աստուած-
նոս եկեղեցու գանձապետ իր համարնակներից
մինին, որ գտնվում է տէրութեան ծառայու-
թեան մէջ: Այս պարտնը զրաղված լինե-
լով իր ծառայութեան գործերով, իր կողմից իր
համար օգնական է ընտրել մի թուրք, որին
յանձնել է եկեղեցական հայրերի մաքրել և
ժողովրդից եկեղեցուպատկան դրամների պահա-
նելը»:

Ս. ՊԵՏԵՐՅԱՆԻՅ մեզ հաղորդում են հա-
տատ աղբիւրներից, որ Մօսկվայի Լազարեան
ճեմարանի դիրեկտոր Նիկոլայ Գալիւսեան Գլեւա-
նովի հրաժարականը իր պաշտօնից զբաղղաբար
արդէն կատարված իրողութիւն է: Ժողովրդա-
կան լուսաւորութեան միջնորդութիւնը ընդու-
նելով Գլեւիսովի հրաժարականը, լուր կայ որ
նշանակելու է նրա տեղ ճեմարանի այժմեան
սեփու պ. Գէորգ Գանանեանցին: «Երանի թէ,
աւելացնում է մեր թղթակիցը, պ. Գանանեանց
գոնէ այսուհետեւ, ինչպէս հարկն է, գնահատել
իր վրա ստանձնելու բարձր պաշտօնի մեծ պա-
տասխանատուութիւնը ամբողջ հայոց ազգի առջև
և զգուշութեամբ կատարել իր պարտականու-
թիւնը մեր մայրենի լեզուի վերաբերութեամբ,
որ նա, որպէս տեսուչ, միշտ աւելորդ է համա-
րել: Բացի սրանից, եթէ ստոյգ է որ պարտնը
ստանաւոր է այդ տեղը, կը համարձակվենք նը-
բան յիշեցնել այն, որ գուռութեամբ դժուար
է գրաւել մի որ և ինչ հասարակութեան համա-
կրութիւնը»:

Ս. ՊԵՏԵՐՅԱՆԻՅ մեզ գրում են: «Նորին
Վեհափառութեան հիւանդութեան լուրը և Ս.
Էջմիածնի գործերի կառավարելը վաճառ լիսն-
կուտ ձեռքով, մեծ ցաւ է պատճառել մայրա-
քաղաքի հայերին: Ս. Պետերբուրգի հայ հասա-
րակութիւնը իր յոյսերը դնում է Թիֆլիսի մը
ազգայնոց արթնութեան վրա, որոնք տարակոյս
չը կայ որ մի օր առաջ չեն վաճառ իրանց պատ-
գամաւորների միջնորդութեամբ փրկել ազգային
գանձերը, նրանց սպառնող վտանգից»:

ԱՐՏԱՔԻՆ ՏԵՍՈՒԹԻՆ

ԻՏԱԼԻԱ

Տունիսի և Նեապոլի մէջ պատահած
հակաֆրանսիական ցոյցերի մասին հաղոր-
դում են հետեւեալը: Տունիսի մէջ իտալա-
ցիներից մի ամբողջ հաւաքվեցաւ. ֆրանսի-
ական հիւպատոսի տան առաջ, որտեղ նը-
րան սպասում էր պրեիքիւր: Շրջակայ
փողոցների մէջ զօրքեր էին տեղաւորված:
Առաջ իշխանութիւնը փորձեց համոզել
ամբոխին հեռանալ, բայց երբ այդ գործը
չաջողվեցաւ, կարգադրի յայտնի ռախա-
զգուշական օրէնքը: Այնուհետեւ ամբոխը
հեռացաւ հիւպատոսի տանից և ցրվեցաւ:
Նեապոլի մէջ ամբոխը չըջում էր փողոցնե-
րի մէջ և կեցցէ էր կանչում ի պատիւ Ի-
տալիայի և իտալական զօրքերի: Պոլիցիայի
և ոստիկան գործունէութեան շնորհիւ ան-
կարգութիւններ չը պատահեցան: